

23
5
23

**SPECVLARE
CHARITATIS
INCENDIVM,**

SEV 34-6-E-7-

**ORATIO
DE S. IVONE**

PAVPERVM PATRONO

HABITA IN EIVSDEM TEMPLO

AD S.R.E. CARDINALES

A IO. BAPTISTA PAVLVCCIO PISAVRENSI
Sem, Rom. Clerico.

STANDARD
SIXTH EDITION
REVISED

Vol.

OF THE

STANDARD
SIXTH EDITION
REVISED
OF THE
STANDARD
SIXTH EDITION
REVISED
OF THE
STANDARD
SIXTH EDITION
REVISED

EMINENT:mo AC REVER:mo

PRINCIPI

FRANCISCO
CARD. BARBERINO

S. R. E.

VICECANCELLARIO.

IOANNES BAPTISTA PAVLVCCIUS

Seminarij Rom. Clericus Fœl.



VCEM publicam,
EMIN:me PRINCEPS,
primus hic tenuitatis
meæ labor aspicere pla-
nè reformidat, nisi hu-
manissimæ beneuolen-
tix tuę lumine quodammodo tem-
peratam . Nec mei nominis imbecil-
litas auderet incurrere in oculos am-
plissimæ sapientix nisi Tui nominis

A 2

Patro-

Patrocinio , ac Maieſtate ſuffulta .
 Immò hac ſolùm ex parte optabile
 mihi fuerat in lucem prodire , vt nem-
 pe obſequij mei erga tantum Patro-
 num addictiſſimi publicam quaſi te-
 ſtificationem acquirerem ; Quem igi-
 tur humaniſſime P R I N C E P S pri-
 uata ſemper beneficentia com-
 plexus es , publica etiam
 benignitate tu-
 ere .



ORA-



ORATIO.



RTIS ET NATVRAE singulare miraculum habitum est, EMINENT.^{mi} PRINCIPES, quod obiecto solis radijs siue concauo, siue parabolico speculo, sic illi in vnum cogantur, vt dum in eodem decussantur puncto ignem excitent vehementem, & incendium repentinum; Cur autem contra consuetum agendi modum tanta vis caloris in eo puncto procreetur, cum cæteroquæ multò remissior in locis eidem soli propinquioribus appareat, satis explicat Philosophia, quia nimirum reuerberata solaris virtus obiectu speculi perinde in idem confluit, ac si pluribus quasi vijs idem sol eidem applicetur puncto, ac totidem è Cælo soles agerent, quot in speculi superficie partes accipi sensibus possunt. Verùm quod in solis actione mira-

A 3

mur

mur Artis industria quodammodo multiplicata, id in diuina Gratia perfectum admirabilius intueamur. **I**VO^NIS virtute pluribus etiam vijs sui pectoris centro applicata ad immensa diuinæ charitatis incendia, **I**VO^NIS quippe vita vnus fuit obtutus in Deum, quem à diuina pulchritudine numquam deflexit; **I**VO^NIS mens, vbi primùm potuit Deum cognoscere, adeò semper diuini solis radijs obiecta constitit, vt mirum planè non sit, si cor eiusdem Deo totum exarserit. Puer adhuc è parentum complexibus, paternæque domus blanditijs abtraxit sese, vt diuinis solum delicijs totus pateret animus, & inhiaret. Parisijs primùm, deinde Aureliæ rude ingenium diuinarum studio litterarum expolire conatus est, vt tersissimum redderet speculum, celestis nempe ardoribus sapientiæ fuscitandis aptissimum. Non enim ibi iuuenilis licentiæ, non lusus, non ludi, vinique hilaritas, non honoris, nominisq; speciosa superbia iuuenis animum à perpetuo diuini solis intuitu distraxere, cuius vnicus erat finis in sapientia comparanda, Dei cognitio, pauperum leuamentum, egenorum defensio, exercitatio charitatis, vno verbo, Deus. E litteraria palæstra euectus ad apicem iudiciariæ potestatis, quantum diuinæ lucis opulentiam in vnum coëgit in publica quasi luce spectabilis! Hinc sedulitas in causarum rationibus pernoscentis, hinc patientia in omnibus audiendis, hinc æquitas in ferenda sententia, hinc constan-

stantia in perfringenda potentiorum auctoritate, hinc misericordia in subleuanda miseria, hinc mentis acies Deo semper defixa ignem illum conflagrant, ad quem accendendum descendisse de cælo Deus ipse gloriabatur. Emolumenta Iudicis labori debita constantissimè recusauit, nè qua nebulosa è terrenæ cupiditatis vapore diuino soli iustitiæ obduceretur, sed dum aliena repudiabat, vt iudicia ferret, sua largiebatur egenis, vt causas prosequerentur inopia pecuniæ languescientes; & quia patrocinari pauperibus ipsemet è tribunali non poterat, suis certè opibus ipsorum patrocinium demandabat: at ne misericordiæ lenitas æquitati iustitiæ quidquam detraheret, mulctam, quam inopi statuebat vt Iudex, anticipata pecuniæ largitione redimebat vt pater, & inaudito charitatis miraculo in *IVONIS* iudicio mulctari optabilius erat, quam absolui; Adeò idem *Ivo* omnibus omnia factus sese transfundebat in omnes, vt multiplicatis vicibus diuinam in se lucem reflecteret, & in immensum augetet. Verum non est passa diutius misericordia personam iudicis in *IVONE*; totum suarum voluit esse partium, integras ipsius vires in vnum coëgit pauperum patrocinium. Quod tunc, Deus immortalis, spectaculum erat in Gallia *Ivone* cernere per tribunalia pauperum causas agentem, pauperum tuguria subeuntem, pauperum miseras complectentem, singularem patroni diligentiam cum indefessa clientis sollicitudine.

licitu-

licitudine in egenorum commoda coniungentem !
 Quis solis æstus, quis noctis rigor, quæ temporis in-
 clementia, quæ cibi, quæ somni necessitas, quæ
 corporis, animique lassitudo, quæ loci, quæ tem-
 poris importunitas, quæ debita humanæ vitæ re-
 missio diuellere I V O N E M potuit à pauperum le-
 uamento ? Vt profectò singulis pauperibus infal-
 libilis esset consecutio illa diuinæ propria charita-
 tis ; Est pauper, ergo I V O totus in eo est . Sed
 quantum aderat calamitosus, & indigentibus, tan-
 tum aberat à seipso : sui cultum corporis rigente,
 fetis amiculo prosequabatur ; famem vel cibo vi-
 lissimo mitigabat, vel ad extremam vsque necessi-
 tatem patiebatur, vt cum illi cedere cogeretur, vi-
 ctor planè succumberet, somnum nonnisi post lon-
 gam cum vigilia luctam admittebat in nuditatis,
 rigorisque palæstra, hoc est nudo, rigidoque pau-
 mento, & vix oculos naturæ clauferat, cum me-
 dia nocte rursus aperiebat Deo profusus in preces,
 quin diuinarum volumine litterarum capiti suppo-
 sito diuinum quiddam in somno trahebat, ac re-
 spirabat . Quid multa ? abiectissimi pauperis per-
 sonam sibi asciuerat I V O, I V O N E M ipsum in pau-
 peres diuina quadam commutatione transmiserat .
 Nihil enim uerò fuit in I V O N E, quod pauperum
 omnino non esset, non domus, non mensa, non
 cibus, non supellex, non argentum, non ipse
 I V O . Quæ fuit mendicorum tex tam sordida, tam
 abiec-

abiecta, quis miserorum squalor tam despicabilis, profligataque fortuna, quæ calamitosorum fœditas tam inquinata, tam perditæ, quæ in IVO NIS domo non manserit, cibum cum IVO NE non sumperit, IVO NIS suppellectile vti non fuerit? Quid commemorem inopem familiam non vnum, vel alterum mensem, sed nouem ipsos annos vnam cum IVO NE degentem? Quid eiusdem vestes sæpius cum pauperibus commutatas? Quid paratas sibi epulas, hoc est frustulum panis, quod ægrè fecerat sibi reliquum, effusas in pauperes, sed diuinæ liberalitatis miraculo multiplicatas ad numerosæ multitudinis satietatem? Quid traditum pauperi sui capitis pileum, & ipsum nudato vertice, quanto vilius incedentem, tanto nobilius cælo tectum? Illud vnum tacitus dissimulare non possum, quod non modo incendiariam in IVO NE charitatem è multiplici virtutum conspiratione demonstrat, sed ipsum in incêdio Deum clariùs, quem in rubo Moisaico præsentem exponit. Sub egenorum squallore Dei formam fuerat veneratus IVO tam certæ fidei constantia, tam inflammato studio charitatis, vt in eo iucundissimo spectaculo è spectatore personam agere Deus ipse voluerit. Ergò miserabili mendiculi specie personatus accedit ad IVO NEM Dei Patris Filius, alacriter ab ipso excipitur, inuitatur ad mensam, in eadem planè lance epulantur lautissimè Deus, & IVO. O ludos amabiles iocan-

tis cum IVO NE Dei ! O conuiuæ diuinitatis epulum cælo inuidendum ! Quid vltra tendimus Auditores ? Admiramini iam in IVO NIS domo non radios modo charitatis coalescentes in vnum, sed ipsum planè Solem Diuinitatis inaudita violentia charitatis adductum.

D I X I.



R O M A E

Ex Typographia Hæredum Corbelletti.
M. DC. XXXIX.

SUPERIORVM PERMISSV.

